





854





丹淵集
二



Inches
Centimetres
TIPPEN Color Control Patches
© The Tiffen Company, 2007

Blue Cyan Green Yellow Red Magenta White 3/Color Black





陳眉公先生訂正丹淵集卷一

宋 蜀文 同與可 撰

明 吳毛 晉子晉

蜀 李應魁 務滋同叅

吳 吳一標 建先

詞賦

超然臺賦

方仲春之盎盎兮覽草木之萋萋胡佛鬱於余
懷兮悵獨處而無依陟危譙以騁望兮丘阜摧

丹淵集 卷一
晏而參差窮莽蒼以極視今但浮陽之輝輝忽
揚颺以晦昧今灑氛霾於四垂躡余心之所行
今欲溷溷其安之蛻余神以遐驚今控次寥而
上馳關曉曖以涉鴻洞今揮霓旌而掉雲旗導
長彗以夭矯兮從宛虹之委蛇曳采旒以役朱
鳳兮駕瓊輶而驅翠螭涉橫潢以出沒兮歷大
曜而蔽虧徃萬里以一息兮俯九州而下窺有
美一人兮在東方去日久兮不能忘凜而絜兮
岌而長服忠信兮被文章中噉噉兮外琅琅蘭

爲襟兮桂爲裳儼若植兮奉珪璋戢光耀兮秘
芬芳賈世用兮斯卷藏遊物外兮肆猖狂余將
從之兮遙相望回羊角兮指龍航轉嶠夷兮蹴
扶桑倚泰山兮聊徜徉下超然兮拜其旁願有
問兮遇非常勿掉頭兮告以詳使余脫亂天之
罔兮解逆物之韁兮而釋然兮出有累之場余
復僊僊兮來歸故鄉

石姥賦

上眷崑之飛泉兮披蒼翳之榛莽
斃倦執而膺

丹淵集 卷一
喘兮窮其巔於絕岨爰有石而跂跂兮旁無他
而相伍色黧黝而骨勁省兮具支節而帶文縷
其遠睨之若人兮迫猶疑其蹲虎里俗神而甚
恭兮號相尊其曰姥謂遽亟而丐况兮緣其求
而下予忽旱陽赫而上藝兮飛光流而燎土燁
多稼以巨甌兮烹羣命于碩觶走群靈而莫咨
今後幸歸而此想役稚耄而竭履兮來號呶而
昭誨會諸力以掀揭兮使轉移其常處靈歛然
而見景怪兮衆外愕而中怖愉堀堞而下發兮

鬱黯爨而上布愴砰磔而中作兮滌滂沱而四
注回極熾而施大潤兮曾不暇乎旋步已復還
其故立兮各再拜而引去問其端而何從兮年
皆失其幾許吾聞懷澤之與符陽兮亦有石爲
牛鼓彼民釁而擊之兮常以旱而取雨宛其於
爾爲類兮彼又載于國譜噫惟皇之大職兮繫
陰陽之煦嫗奚磊砢之頑質兮輒矯權而自主
事豈無於適然兮而惑者槩從而爲語皇忽寤
而震恚兮烈罪目而爾數訶星士以施梃兮勅

丹浦集 卷一
雷將而揮斧赫電火而灰爾兮鼓箕風而蕩汝
闐大空而泮散兮一摩抗其處所俾愚黎之侷
正兮識惟皇之覆露皇未寤而民尚惑兮徒吾
髡之長拊

蓮賦

彼芳蓮之紛敷兮乃橫湖之繡繪挺濁淤以自
潔兮澡清漪而逾麗纖空其上下兮細理周其
向背甘液凝而露滳兮清香馥而風遞向冰筋
與玉骨兮外吐心而露肺承寶座之千趺兮蔭

瑯輿之萬蓋張翠帷於月下兮列綵仗於煙際
容鷗鷺之徙倚兮取龜魚之芘賴既怙水以不
競兮復泐涯而自退實華蘄之上品兮豈草木
之一槩

松賦

度衆木而特起兮有高松之可覲擢雙幹以旁
達兮聳千尋而上擊怪難入於圖畫兮老莫知
其歲曆含古意以茫昧兮負天材而岑寂柯磅
礴而如枹兮葉徼掾而若冪停餘雪而暖溜兮

丹鴻集 卷一 四一
棲宿雨而晴滴險穴聚乎魑魅今陰枿藏乎霹
靂蒙煙霧之灑潤兮傲冰霜之慘戚榮枯繫乎
所托兮用捨由乎見覓敢並名於杞梓兮甘取
誚於樛櫟

問神詞 并序

丙申歲夏五月南園大旱土人走寧之要
冊池取神水者如市既得各就其社祀以
禱雨然踰旬不應民甚恐懼禾稼焦枿不
得食以死且疑神何不若嚮時之速驗也

群口咨嗟余聞之爲作問神辭使歌之凡
三篇如左

惟歲之旱兮叩群靈而寂然雷踵汗額以歷它
疆兮俾趨神之所淵飾益年以借餘潤兮輦護
以歸期監乃衰之虞兮少悼民之凶飢巫歌覲
舞兮舌橋而腕垂原呼野召兮翁走而嫗馳奉
新絜以羅庭戶兮日屢薦而益祗吾將問神兮
不閱此而曷爲

二

寧山之環兮寧水之灣吾神宅茲兮幾千百年
土民所仰兮重如一天凡旱取雨兮易若手然
潤逐灌洒兮陰隨炳煙盡秦之境兮歲無楮田
茲夏隴之槁渴兮風燥而日煎吾將問神兮豈
或不職而累前

三

神嘗以功兮荷天之福袞盡藻火兮冕垂蠙玉
樓殿輶轄兮楹廡聯屬炫煜煜兮盤山結谷幄

帝之下兮雲藏雨蓄宜以其潤兮惠吾百穀胡
爲自嗇兮肆魃之酷吾將問神兮寵其爲辱

去陵

度龍從兮外岑峯宛詰竭兮岵高而謁深望巉
嵯之危堞兮隱重闌于幽林石塗齟齬而直注
兮盤苔磴乎千尋間守居之何所兮凌絕壑而
繚層巒欄廡鬱其紆紉兮觀閣緣乎屏顏嗟余
胡爲棲此兮日儔伍乎群山歲月淹其兩周兮
悵何時而當還煇兮懔懔兮慄若寐之覺兮疾

而復承詔易守漢上兮幸旋轉于夷陸側身東
望兮掣余思而太息山中不可以久留兮無四
時而蕭瑟

秋望

愴疑立兮臨曾巔極延迤兮睇遙川杳營營兮
其何之馳滉漭兮浮寥然彼美人兮在一方望
泊鬱兮蔽雲煙期將邁兮殫所思念莫致兮勞
且悄零露濛濛兮促其歸灑涕淚兮紛如泉

送李道士

雲離離兮風漻漻群山空兮萬木凋水滉瀆兮
大野平天沈寥兮新霜晴送先生兮歸鵝池晨
霞鮮兮明羽衣乘青騾兮度南岡荷瓊笈兮秘
雲章先生去兮來何時上三峒兮余之思閑居
靈崑兮摘錦詞有鶴可使兮其致之

哭仲蒙二章

憐僚粟兮臨清秋懷空憤兮紛予憂拂其弭兮
久復留念將焉適兮升高丘問胡然兮予之思
縵予心兮不解以繆謂遐闊兮願如其宮悵西

南兮川塗緬脩已忽寤兮往嘗此以計蓋子之
生于世兮期爲已休萬感芸然兮盡予之中魄
幹漂潰兮索其若抽念子一去兮不可以復見
顧予之於道兮尚胡爲而此謀欲子似兮取友
但寥寥兮安求孰識子兮予深當何人兮與侔
彼徒以文行兮爲子之高其不爲賤正體而貴
余肱如刻畫兮妄以累子類神珠兮覺天球知
子之末兮尚可以表世其不能究者兮彼又何
尤已矣乎子之存兮在予憶子之歎兮將何時

而可瘳歛予恨兮暮來歸煙雲飄蕭兮奉予以
愁

右臨高

念子將歸兮于嵩之陽彼山之申宅群僊兮欣
得子而翱翔冠芝英兮佩蘭芳躡暉曄兮服熒
煌執瓊笈兮披錦囊邈天風兮誦霞章神君揖
兮登寶牀玉女進兮奉瑜觴予浩歌兮頌靈休
瑤瑟差薦兮相與子之獻酬客下緱嶺兮飄霞
旒人來穎陽兮駕琳輶蟠桃春兮白榆林雲開

丹湖集 卷一
月皎兮桂崑之幽子之樂兮千萬億年下視此
世兮不肯還猿嗥鶴哀兮悅倘乎空山相望何
所兮杳莫可攀

右懷嵩

仲蒙為人無所不備采摛一二以
爲其美行累之多矣劉元平嘗論
人之賢者曰無長仲蒙似之故同
之二章如此熙寧辛亥仲秋癸酉
仁壽郡東齋題

哭任遵聖

覽顯宇之渺漭兮悲萬彙之漂搖林薄颯以殞
瘁兮帶原隰之蕭條幃離魂之怫鬱兮紛渙散
而孰招悵節物之變易兮付餘懷以無聊念先
生之生此兮皇曷爲而有之旣誕畀以才德兮
又復艱其所施使輾轉於偏側兮躋其行而莫
馳哀抱憤以遽去兮問誰賢而爾師飽道義兮
富文章轟大聲兮發洪光潔如玉兮凝如霜堅
不可撓兮凜不可當嗟爾世俗兮曾莫測其所

高但輒詆以絕衆兮實自疵于爾曹且勿辨其
薈臭兮混蘭藏於蓬蒿不善擇其至行兮務族
譟而叢嗥兮已矣兮想孑立而孤居游鴻洞而
入齋淪兮乘威鳳而跨鯨魚出入乎無極兮旁
羊乎太虛下視夫塵寰兮諒將厭其如智惟不
肖兮有性自天蹈大道以直驚兮繇中軌而掉
長鞭寧剛折而方毀兮耻從柔而逐圓獲稠人
之笑詈兮獨先生之見憐負先生之所與兮羗
莫恤乎其它今既失先生之爲徒兮顧泯泯而

奈何茲忽計以大事兮還英氣于岷峨恨不能
撫柩以一訣兮橫涕淚而滂沱亂曰先生之美
今豈衆人之足云兮先生之慶兮有弟賢而子
文兮先生之安兮地既吉而可墳兮先生之壽
今期萬祀而有聞兮夫何憾耶

哭許駕部

擲余登大嶠以回軫兮過君公之故里涉郊坰
而歷閭閻兮聆弦歌之盈耳稔德義於洋洋兮
時屬君之令此因執名以願見兮遂日親於燕

丹湖集 卷一 十一
几挹佳論之端潔兮識所存之可喜議爲邑之
良術兮欲儷君而無幾復余出守於陵陽兮君
亦擁麾于通義封壤相切行不越宿兮朝暮之
聞愈美彼邦之政素艱其施兮前罕稱乎善治
惟君之才力強敏兮條若紛絲之就理余改符
於漢中兮君復駕題輿於錦水閱月未久而君
以疾聞兮忽遽傳乎君之不起哀哉淑人之云
亡兮無由撫棺而問天以死徒臨風以永歎兮
何壽夭禍福之反是獲河內之來計兮蒙不鄙

於君之子云將歸君于幽宮兮撰吉日而且邇
湯湯乎大河之漭兮峩峩乎大行之趾岸磅礴
而岡隱嶙兮茲有利乎君之所止限川塗之脩
緬兮阻陪葬乘之末軌悼余懷以遐薦兮曾莫
殫於累紙酌芳椒以盈樽兮寘生芻而在篚遠
不能脩此以奠君兮悵音容之已矣

送人

風寥寥兮黃葉飛黯栗冽兮寒滿衣歷欹欵兮
山逕微背晨霞兮送子歸子之居兮錦水湄樂

丹淵集 卷一
莫樂兮奉庭闈凝流塵兮掩瑤徽知此音兮天下希

玉女


艷明霞兮體霏煙秀婉嫵兮靜嬋娟如龍之矯
兮鳳之翩倏見光景兮忽自還乎杳然宅幽宮
兮闕靈囷領群娣兮司寶泉福斯民兮千萬億
年享豐祀兮期終山

登山

余將往兮南山路翫靡兮何高昧其適兮茫茫

歷崎嶇兮嵯峨枳棘紛兮鉤衣解難進兮前阿
指屢血兮險艱翳骨拂兮叢羅地虬結兮伺人
復虎兕兮群嗥念失足兮安逝其悵恨兮柰何

丹淵集卷第一終



丹淵集 卷一 宋 陳眉公先生訂正丹淵集卷二

陳眉公先生訂正丹淵集卷二

宋 蜀 文 同與可 撰

明 吳 毛 晉子晉

蜀 李應魁務滋同參

吳 吳一標建先

樂府雜詠

秦王卷衣

咸陽秦王家宮闕明曉霞丹文映碧鏤光采相
鈎加銅螭逐銀猊壓屋矜蟠拏洞戶鎖日月其

中光景賒春風動珠箔鸞額金窠斜美人却扇
坐著落庭下花閑弄玉指環輕冰扼紅牙君王
顧之咲爲駐七寶車自卷金縷衣龍鸞蔚紛葩
持以贈所愛結歡期無涯

殿前生桂樹

童童彼芳桂藹藹生廣內靈根浹和液柯葉冬
不改日月最臨照雨露偏汪濊願保剛勁質與
君同萬歲

臨高臺

臨高臺望故鄉地千里天一方極目外空茫茫
孤雲飛不我將安得羽翼西南翔

自君之出矣

自君之出矣弔影度晨夕中門一步地未省有
行迹閨闈足儀檢常恐犯繩尺欲寄錦字書知
誰者云的

東門行

士有失所偶難甘蓬華微拔劍出東門感憤不
顧歸賢哉彼嘉匹逐逐牽其衣願同此饘粥節

平江集 卷二
義安得違況今謂清世不可復爲非

西門行

盛年可愛重芳辰宜嬉遊金甕釀醇酒玉盤炙
肥牛青春九十日不可一日休勿自汨浩氣滿
曾藏百憂君莫惜黃金黃金身後讎自古貪與
吝常爲賢者羞

塘上行

寒塘漲新雨灑灑翠波滿沙晴步聲澁風引羅
帶緩蒲牙妬舌利荷葉歡心卷生平玉衣夢至

此神亦誕徒誦小星篇無人覺腸斷

釣竿

霜刀裁綠筠桂餌掛輕緡歛迹天地間側身江
海濱悠悠寶帳夜寂寂烟波春何時投竿歸再
與君子親

烏生八九子

南山有烏烏生子層崖巔戢戢新羽成相將弄
晴烟朝饑集壠上暮渴來崑前託居深林中自
足終爾年胡爲去所依無乃甘棄捐却愛庭樹

好群飛投碧圓高枝踏未穩身已隨潛弦因知
萬物理王者持默權凡云愛此命生死期已然
出入既有定何歎於後先

野田黃雀行

搥鼉鏗鯨宴瑤臺紅鷗弄翼春徘徊和風入坐
賓王樂金觥玉豆天中來勸君劇飲莫自訴暗
中光景能相催試看庭前好花謝枝下落多枝
上開人生不厭苦行樂勿用感促相驚猜賢愚
貴賤各有命此理悟者真賢哉

苦寒行

上太行兮高盤盤日將暮兮歲已闌入谷口兮
出林端風慘慘兮吹骨寒冰霜結兮玉嶺岈光
上照兮天色乾紛橫委兮草樹殘黯慄烈兮烟
雲覆僕足輒兮馬蹄抗望所舍兮摧心肝囊立
空兮衣且單嗟道途兮胡艱難

苦熱行

黃人頓駕留天中金鷄吐火燒碧空炎光染雲
聳岌岌早氣爍土飛蓬蓬龍搖乾胡不作雨虎

裂渴吻無生風安得有術擘海水入底一扣鮫
人宮

俠客行

紫髯圍碧瞳勇氣炙坐熱生平脫羈羈少小服
義烈堂堂吐高論牙齒若嚼鐵寶劍壓脰橫誰
耻我可雪酣歌入都市當面洗入血常言荆軻
愚每笑豫讓拙事已不受謝門前車馬絕自謂
取功名馬能由筆舌

巫山高

巫山高高疑烟十二碧簷寒插天危崑絕壁已
飛動況復下壓萬丈之蒼淵波衝浪激作深井
虎眼徹底時一旋長風瀕湧發灑瀨惡色怒勢
因誰然我欲截中流虹梁莫得施螻蟻東西相
遠望不到兩目欲斷心將穿回看高唐廟下灑
靈雨遣我歸意常翩翩

水仙操

嗟哉先生去何所兮杳不可尋捨我於此使形
影之外兮唯莽蒼之山林仰圓嶠之峩峩兮俯

大壑之沉沉長波瀕涌以蕩滴兮群鳥翩翩而
悲吟寂擾擾之煩慮兮納冥冥之至音先生將
一我之正性兮何設意之此深我已窮神而造
妙兮達直指於素琴先生盍還此兮度明明乎
我心

大垂手

華堂合樂轟春晝鳳叫龍嘶畫鼉吼瓊猊壓地
開組繡美人舞兮獻君壽紅婆娑兮翠蚿雪
翻花兮風入柳曳輕裾兮揚綵綬金鸞飛兮玉

麟走入急破大垂手香檀扎扎江雨驟情凝力
定方舉袖烟收霧斂曲徹後錦盈車兮珠滿斗

採蓮曲

綠纈襠紅繡裳衫盤蜂蝶裙鴛鴦雕瑰錯寶垂
鬢長紫冒翠蓋行新粧蹁躑曲堤下回塘盡撓
送入波中央羅袖卷起金釧光搖輕撼脆敲短
芒丹瓊紺玉低復昂霑裊薄粉撲嫩黃蠶腰蛛
腹絲颺揚列坐綵舫求比方笑聲吃吃動明璫
挨蒲拂蓼次斫旁風吹落霞供晚涼西城鷓鴣

丹淵集 卷二
啼女墻歸來索酒酌蒲觴吳屏蜀帳圍象床困
臥不起燈燭張琉璃盃在叢生香

對酒

朝廷曠如日區宇清若水殊方文教達微品德
澤被伊人復何幸遇此粟陸氏茫然大虛內烝
鬱盡和氣真風浹敦俗無所容一偽唯宜對樽
酒酣飲樂無事人間此昭世得偶須自貴無爲
名所勞區區取愚謔

白頭吟

憶昔宴華堂金徽導幽意雖知取名賤越禮奉
君子相期本同穴誰復耻犢鼻一見茂陵人烟
霄與泥滓願言保新愛妾以甘自棄恩義薄所
終多生於富貴

芳樹

庭前有芳樹穠陰滿軒碧莫惜更携酒醉此青
春色朝來見鷓鴣飛鳴繞其側光景不可留徒
遣君歎息

武溪深

嶠南之武溪其深不能測潭潭滴瘴癘水色重
如墨昏然潦霧作上下毒氣塞仰視高飛鳶跼
跼墮兩翼交州惡女子制馭費銜勒伊余繆兵
寄得總浪泊役常甘馬革死持此期報國臥念
少遊言從之何可得

走馬引

群蹄踏空山半夜若風雨平明卽其地已復天
上去惟予迫大義盍免以名捕蝥蝮入寒殼此
豈謂安處脫身入浩渺固有神物護禮謂不戴

天天知天亦許

起夜來

曉牕明綠紗蜀錦壓春臥橫腮虎魄冷驚起新
夢破玲瓏轉條脫縹緲梳矮墮高軸響銀床時
誤君車過

長安道

長安道隋唐宮殿生秋草若使皆知嗣業難爭
得行人望中老

王昭君

四首

不惜將黃金爭頭買顏色
妾貌自可恃誰能苦
勞力

其二

絕艷生殊域芳年入內庭
誰知金屋寵只是信
丹青

其三

幾歲後宮塵今朝絕國春
君王重恩信不欲遣
他人

其四

極目胡沙滿傷心漢月圓
一生埋沒恨長入四
條絃

吳趨曲

萬頃平湖水晴光射早霞
紅裙鬪畫楫相結採
荷花

又

岸上相將疊鼓催青翰
齊上碧波開鴉鵲屬
不驚起憤見蘭橈日日來

又

十洲集 卷二
蕩漾水中舟徘徊岍邊馬相看兩不語密意待
誰寫

劉生

歷古推任俠彼劉生者何提搥擊朱亥引劍刺
荆軻飲肆扶頭出歌樓棹臂過無人繼義勇關
隴氣消磨


紫騮馬

翩翩紫騮馬爛爛黃金鞍流水四蹄急飛星雙
目寒擁頭青玉鉞蔽臆絲絲鞚誰取交州鼓摸


將骨去看

驄馬

鬣鬣擁如雲西人號乞銀更逢桓御史特地起
精神



丹淵集卷二終



陳眉公先生訂正丹淵集卷三

宋蜀文同與可撰

明吳毛晉子晉

蜀李應魁務滋同叅

吳吳一標建先

詩五十七首

貴侯行

將軍功勳滿旂常昨日賜對開明光腰懸橐駝
紫金鈕爵號進拜諸侯王戟衣翩翩弄春影大

平淵集 卷三
第高門臨萬井但願囊書絕邊警常官中都奉
朝請

朱櫻歌

金衣珍禽弄深樾禁蘂朱櫻斑若纈上幸離宮
促薦新藤藍寶籠貂璫發凝霞作丸珠尚軟油
露成津蜜初割君王日午坐倚蘭翡翠一盤紅
鞞鞞

拾羽曲

新羅研紅裙禰齊綵縷刺衫花倒提新晴暖日

麗烟草金獸齧鎖藏春閨朱橋逼江曉沙白錦
帶交風大堤窄蘭洲遺翎得殘碧歸來驚飛上
嬌額

沙堤行

金吾馳騎東復西督兵萬指平沙堤傳言築路
拜新相恐與九衢同一泥夜來上在蓬萊宿手
寫姓名符夢卜連詔黃門下北扉趣草贊辭登
力牧平明劔珮羅東閣大字滿行書德業謁者
長言告紫宸感召一庭和氣合上心喜曰予良

丹波集 卷三
粥未謝急宣令直筆群吏迎歸政事堂指顧之
間歌畫一午漏初移催入馬寶帶盤腰印垂勝
歸來冠蓋爛盈門異口同音賀太平

五原行

雲蕭蕭草搖搖風吹黃沙昏沉寥胡兒滿窟臥
寒日卓旗繫馬人一疋夜來烽火連篝起銀鷗
呼兵捷如鬼齊集弓刀上隴行犬譟狐嗥繞空
壘羗人鈔暴爲常事見敵不爭收若雨自高聲
勢叙邊功歲歲年年皆一同將軍玩寇五原上

朝廷不知但推賞

讀武紀

嗟哉徹之有天下甘心神仙希羽化五十餘丈
起樓觀萬八千里走車駕安期羨門竟何在五
利文成終死詐若非留意尚文學羸政且賢非
爾亞

題東崑隱者壁

青峰叢叢擁危壑綠樹團團扶曲閣幽人睡起
漱寒泉坐看一林山雨落岩前火氣雜芝朮澗

丹淵集 卷三
下苔痕亂猿鶴自憐塵土滿衣衫欲解從君今
尚莫

東山亭

朝陽之峰乃天設曲嶺長崗地盤結下臨絕澗
走縈回上聳巍亭飛幟嶼晚雲幾處水墨畫秋
樹數番紅綠纈安能恰會此時閒靜與詩翁吟
曉雪

水邊春半

芹牙差差蘭笋短石渠冰銷水色淺倡情冶思

不可奈好鳥間關花婉婉鮮衫翠裾者誰氏行
歌楊枝惜時晚臨流有客抱危膝苦調長謔問
誰遣

採藥歸晚因宿野人山舍

東岩陰深崖巘古夾澗垂泉結鵝乳我來採藥
晚忘歸試宿荆扉問鷄黍春風滿林燈火冷一
夜不眠山月苦平明携策下青蒼松葉紛紛洒
新雨

後溪晚步

丹湖集 卷三
陰陰芳樹暗回堤路入蒙籠轉野溪澤雉應媒
高復下林鷗引子歇還啼青蒲宛宛全淹水紫
笋斑斑半出泥倚杖風前感時節亂烟斜日一
蟬嘶

山中新晴

山中新晴曉烟暖散帶頽冠漱岩畔海鹽未去
猿鶴喜柴桑初歸松菊亂林間餘雨時一滴嶺
上飛雲忽雙斷安能舉手恣扶搖欲共高鴻拂
霄漢

鹽亭縣永樂山叩雲亭

長江合高峰爽氣左右繞中流望絕巘萬丈見
木杪孤亭揭其上隱隱一拳小李君令茲邑邀
我升縹緲是時天宇淨晴色洗霜曉萬象滿四
隅轉盼皆可了神清壓塵坱志適喜猿鳥人生
貴軒豁世務苦紛擾茲焉獲登覽浩思欲飛矯
令謂亭我爲勝絕此應少願子立佳號光輝飾
松蔦因名之叩雲大字榜霞表

杜逸人歸龍山

丹淵集 卷三
上亭北望二百里頽巘墮壑圍龍山余嘗往來
見之喜飲食夢寐皆孱顏恨無羽翼一飛到美
子長往不欲還安得擺手掉世故相與傲兀於
其間

曉入東谷

振纓効王官釋耒去鄉縣十年始還此景物覺
盡變東谷素所愛乍到若創見烟雲引晨策數
里入葱蒨明霞照溪口花草露初泫長松盤高
崗竦竦擢秀幹垂陰雜群木上欲接霄漢柔羅

互鈎鎖攬地走荒蔓修篁揭其間萬个挺若箭
登臨愴舊歷眺聽悅新翫讀書破茅蘆徑約已
漂斷唯餘舍南水尚吐石竇濺潺潺落危壑袞
袞引飛練臨流濯塵襟照影寔覲面功名竟何
所旅跡轉孤賤引手謝猿鶴深慙爾驚怨
東谷沿小澗樹木叢蔚中有圓潭愛之
久坐書所見

野水瀉古穴石岸盤回淵飛塵不可入竹樹圍
清漣靜往得勝玩深居迓俗緣寒光照煩襟景

丹淵集 卷三
寂心自圓枯篁蹲碧禽垂頸窺沉鮮對之不敢
動相望兩俱禪

東谷茅齋

野徑轉深密靜無車馬痕松花金粉墮苔菜翠
茸翻蟲鳥春音雜烟雲晚色昏俗塵何處入長
是掩谿門

夏樹

夏樹始繁密條縷方且柔左右覆吾廬合如張
碧油新蟬噪晴午餘響藏深幽軒窻轉炎日清

影爲我留蚊蚋亦取庇鬧若春雨稠拂揮不停
手咀嚼胡爾讎何當薰風來一與掃蕩收吾將
就高蔭濯足臨寒流

田舍

園林曉氣清籬巷夕陽明石竇聞寒碓烟坡見
晚耕豚蹄供禱賽龜殼問陰晴欲識豐年樂一
村雞犬聲

高槐

高槐夾前除合蔭卷若洞交柯載宿雨壓地翠

色重青蟲煖自挂黃鳥晴輒哢枕簟傲炎風爲
君高興動

春閨

枕帶榮春思窻紗漏曉光蠅蛸傷遠別鶻鳩感
流芳粧匣蒸殘粉薰爐試舊香洞房燈燭外只
有夢悠揚

採桑

谿橋接桑畦鈎籠曉群過今朝去何早向晚蠶
恐臥家家五十日誰敢一日墮未言給私用日

以應官課

青城山丈人觀

群峰垂碧光下擁岷僊家神皇被金巾坐領五
帝衙威靈攝真境俗語不敢譁精心叩殊庭俯
首仰紫華願言鳳羅盟畢世驅塵邪循奉藥珠
戒期之飛太霞

上青宮

瓊臺橫紫霄上有縹緲居雲霞抱窻戶日月循
庭除飛羽下金輦隱芝吟玉書俯首視人間人

丹淵集 卷三
間臭如帟

張少愚書院

澗水侵斷橋車馬不得通
飛嵐積庭礎秋蘚垂
紫茸窻紙爛溪雨簾衣折
林風主人殊未歸使
我烟景空

誓鬼碑

正一受天籙腰垂神虎章
群魔獄幽隱秘篆刻
青蒼故事駭前志餘威驚大荒
誰能識奧訣禹
步學魁罡

天師粟

天師携此種至自上饒遠當時十七樹高幹倚
孤巘蒼蓬蒺藜大紫殼檳榔軟蜀部名果中推
之爲上選

孫知微畫

太古竒偉士精思獨於畫
馳心入茫昧萬物赴
揮灑當時一名重顧陸非爾亞
卓哉青城筆妙
絕冠天下寥寥九天仗一一若神寫
吾恐千載
後是終無繼者

早晴至報恩山寺

山石巉巖磴道微拂松穿竹露沾衣烟開遠水
雙鷗落日照高林一雉飛大麥未收治圃晚小
蠶猶臥斫桑稀暮烟已合牛羊下信馬林間步
月歸

楊山人歸綿竹

一別江梅十度花相逢重爲講胡麻火鈴未降
真君宅金鈕曾盟太帝家道氣滿簪凝綠髮神
光飛鼎護黃芽青騾不肯留歸馭又入無爲嚙

曉霞

閒遣

庭竹擁高叢移床就好風掩門休務外隱几坐
忘中世事元何物人心了卽空客來休借問此
意浩無窮

睡起

寥寥公館靜門掩似山家竹簟屢移枕石盤頻
浸花閑多新得策事少早休衙一覺高春睡誰
來伴試茶

梅

寒梅引舊枝映竹復臨池
朶露深開處香聞瞥
過時凌兢侵臘雪散漫入春詩
贈我歲寒色憐君冰玉姿

永泰劉令清曦亭

木杪照初日捲簾知曉晴
軒窻無限思圖史有餘清
露下濛花重風來泛竹輕
何須嫌五斗持此謝淵明

貧居

繩床擁敝裯初起髮未櫛
南窻展書卷就暖讀寒日
門前絕車馬薄暮垂片席
短牆挂織蔓幽鳥啄紅實
群蝸惡積雨繚繞篆空壁
男兒處貧賤舉首宇宙窄
翩翩槍榆鳩宛轉匿絮蟲
妻孥競相咲憔悴守文筆

惜花

胡蜂採花花氣薄黃鳥啄花花藥落
林風吹花花片亂池水浸花花色惡
少年惜花會花意晴張青幃
雨油幕勸君直須爲花飲
明日春歸空

晚萼

正女吟

身外無一簪何以供鉛華飾行不飾容濁水白
藕花藕心亂如絲妾心圓如珠絲亂端緒多珠
圓瑕類無焉得偶君子奉之此高節所生雖至
親此意安可說

莫折花

莫折花花好亦自喜勿謂花無言請以君心酌
花意君容待花轉豐艷花枝因君愈憔悴莫折

醉
花任花飛地但對春風倚芳樹長遣香英伴君

織婦怨

擲梭兩手倦踏籜雙足跡三日不住織一疋纔
可剪織處畏風日剪時謹刀尺皆言邊幅好自
愛經緯密昨朝持入庫何事監官怒大字雕印
文濃和油墨汚父母抱歸舍拋向中門下相看
各無語淚迸若傾瀉質錢解衣服買絲添上軸
不敢輒下機連宵停火燭當須了租賦豈暇恤

丹洲集 卷三
三十一
襦袴前知寒切骨甘心肩骭露里胥踞門限叫
罵嗔納晚安得織婦心變作監官眼

野花歎

昨看百草抽新芽今看百草開新花岩隈水側
自成列紅醜紫賤何交加東皇施恩豈不溥隨
所付受無少差爾之瑣細亦蒙被盡使奮發爭
春華織叢密蔓不可數競起塗抹如矜誇妖鶯
冶蝶不爾顧去爾自欲尋名葩爾知有艷貴爾
否歌管匝樹侯王家爾徒此地弄顏色只自狼

籍隨泥沙何當照水自窺覽枝赧菜懼相藏遮
晚村無限曬殘日索酒爲爾成吁嗟

均逸亭

雷州王亭

亭宇跨城端新苔磴道盤風光晴水石烟景暮
林巒薄領仍多暇賓從每盡歡何由掉塵鞅聊
問借闌干

東溪亭

短笻逶迤渡高欄天矯沉波光環堵淨日色綵
梁深萍荇翻金鯽蘭茗超翠禽王人公事簡時

此照清襟

碧崖亭

斷巘淥溪邊危亭翠壁前軒窗誰是客詩酒自稱僊遠壑春藏雨長波晝起烟吏人休報事高興正陶然

送郭經知縣

促促送歸客短亭垂柳風離樽掩殘日去騎若輕蓬百里謳歌內三年畏謹中鄉人問蜀物笑指一囊空

過祿氏山齋

過水得憑檻蒲川皆夕陽江山逢勝絕手筆恨荒唐城郭蒙籠近汀洲杳靄長明朝又東去塵土入衣裳

題李處士月軒

圓蟾噴金波萬里灑清滴幽軒得虛敞皓彩溢素壁繩床有高隱苦調起岑寂盈襟納孤光靜與爽氣敵

余過興州太守晁侯延之於東池晴碧

亭且道其所以爲此池亭之意使余賦

詩

鄭谷題詩處荒涼不復知使君來問日景物欲
歸時崖巘供清溜亭臺繞翠漪主人憐過客借
與傲炎曦

蒲氏別墅十詠

風交蒲葦亂烟斷鳧飛日暮一笛起扁舟垂
釣歸

右方湖

軒窗曉吹清枕簟晴光冷亭上逍遙人滿身
水影

右涵碧亭

逼簾呈素艷入座薦清香何以陪暑飲對之飛
玉觴

右白蓮堂

曉靄滋花色晴輝發水光何人露新纈不管著
秋霜

右芙蓉溪

丹淵集 卷三
積水自淵淵來源常汨汨岸上翠衣禽對人時
一沒

右魚池

紫蓋嫩貼水玉梢長刺沙避風紅出沒驚雨綠
交加

右蓮池

溪光搖玉壁雲影漏金盤誰此伴高興畫橋憑
曲欄

右清蟾橋

決水轉橫渠交媵畫方罫秋風報秋熟滿頃吹
罷亞

右稻畦

高臺按虛境飛駕羅太空小兆佩神虎每來清
夜中

右朝真堂

深深鄭真谷小小焦光廬借問貯何物滿床皆
隱書

右草庵

丹淵集卷第三終

宋本輯謝安文類書古詩林屋巖林燕高良文

陳眉公先生訂正丹淵集卷四

宋 蜀 文 同與可 撰

明 吳 毛 晉子晉

蜀 李應魁務滋同叅

吳 吳一標建先

詩五十一首

蒼溪山寺

正午風色高遂泊蒼溪縣層崖抱林木有寺藏
葱蒨出舡步危磴蔭密頗縈轉上到金僊家緣

空列臺殿修篁掛懸溜坐覺炎暑變老僧曉經
論言語何貫穿引我上高閣闌干俯江面寥寥
百里內山水盡奇觀誰謂羈旅中所見皆所願
汀洲白鳥聚并邑青烟散樂此暮忘歸踈鐘起
岩畔徙倚下松門尚怪舟人喚

五里三灘

群石壅水成哀湍五里之地凡三灘舡如走丸
勢不住力敵萬弩雲濤盤門窗掩塞怕飛浪已
倒床座翻盃槃長年三老色自落捩眼不敢窺

波瀾捎渦撇漩出九死衆命幸免魚鼈食須臾
出纜繫高岸競以好語相慰安是時左右有觀
者應亦爲我心曾寒

督公漑

晚泊督公漑船頭餘落暉携家上岸行愛此風
滿衣村巷何蕭條四顧烟火稀問之曰去歲此
地遭凶饑斯民半逃亡在者生計微請看林木
下墻屋皆空圍好田無人耕惟有荆棘肥至今
深夜中鬼火流清輝衆稚聞此語競走來相依

錯莫驚且哭牽挽求速歸

王會之秀才山亭

盤盤翠城山君在城中住溪流第縈轉岡勢復
回互蒼林無春冬啼鳥常旦暮漠漠嶺頭雲霏
霏岩底霧中間列亭榭佳景實天付物象皆自
然人巧誰能寓浮生欲何事有此卽樂處況君
弟兄賢信道各已固詩書誨兒姪觴豆燕逢遇
敢問彼簪裾何如此巾屨

謝友人寄畫

客從長安來厚紙封小軸題云此奇畫寄贈公
可蓄開之掛高壁爛絹止一幅中有兩駱駝氣
韻頗不俗大駝載半禪正面頸愈曲小駝方就
乳蹲身脚微踟一馬立其後才露頭與足三大
乃子母共臥啣鬣肉老胡抱朱旗狀貌何狠悞
端然立高岸勢若不可觸定是虜中酋華旃蓋
鮮服不知何所來隨從無一僕初誰作此畫精
妙亦可錄應餘右方在次第不止獨更願君訪
來我肯萬錢贖

夏日閑書墨吾堂壁二首

先人有敝廬涪水之東邊我罷漢中守歸此聊
息焉是時五六月赤日烘遙天山川盡慘燥草
木皆焦燃塵襟既暫解勝境乃獨專高林抱深
麓清蔭密石綿層岩敞戶外淺瀨流窻前邀客
上素琴留僧酌寒泉竹簟白石枕穩處只屢遷
忽時乘高風遠望立雲烟野興極浩蕩俗慮無
一緣氣爽神自樂世故便可捐却憶爲吏時荷
重常滿肩几案堆簿書區處忘食眠冠帶坐大

暑頽汗常涓涓每懼落深責取適敢自便安閑
獲在茲恍若夢游倦行將佩守符復爾趨洋川
山中豈不戀事有勢外牽尚子願未畢安能賦
歸田

其二

歸來山中住便作山中人冠帶亦自閑累月不
着身散髮層岩阿濯足清澗濱石蘚黏簡冊松
風墮衣巾鄉里多舊游不厭過從頻山肴與野
釀待我如佳賓有召卽走走赴愛其愛我真常恐

禮數乖取問吾交親正此一夏樂忽茲邁蕭辰
還愧擁千騎又走西道塵

送馮允南倅梓

去年父老送督郵衣上淚痕猶未變今年吏民
迎別乘馬前權聲挽不斷梓州城中十萬家家
家盡喜見君面以君鄉里最相近物態人情素
諳練況復才力強且明中理之的無漫箭從來
府政號少事今更得君愈清簡太守李公詞掖
老淘汰心源無滓澱時携賓從訪山寺惟以高

譚侑清宴蒼崖素壁多自書是處新詩題欲遍
君今到彼亦爾為異日唱酬知幾卷

宿東山村舍

是秋粟為白蟲所食
蟲復為群鷄所食

八十雪眉翁燈前屢獻歎問之爾何者不語惟
技淚良久云老矣未始逢此事種粟滿川原幸
已皆茂遂喜聞欲登熟近復失所冀有蟲大如
蠶日夜嚙其穗群鷄利蟲食剪摘俱在地驅呵
力難及十止餘三四供家固未足王稅何由備
堵土耕至骨所得幾何利又令遭此禍不曉上

天意在世幸許年必以饑饉死聞之不敢詰但
愧有祿位移燈面空壁到曉曾不寐

季夏己亥大雨

黑雲推空天地昏風勢猛惡山岳掀怪電燒藝
噴霆喧鯨海起立星漢翻玉竿銀索傾餅盆豪
威怒力凌軋坤川陸浩湫同一源泛濫直欲浮
高原澗谷洶湧龍蛇奔溝渠溪壑相吐吞土肉
刮盡惟骨存漂蕩秋稼無一根天生烝民主仁
恩覆露養育生理蕃誰持害鑰開禍門絕滅忝

豆災元元無路能去陳九閤此事是非安可論

謝任遵聖光祿惠詩

常念文選詩最愛顏光祿君今作此官詩亦顏
之躅尋常得君詩如隼饑見肉凡當憂憤際不
可不取讀我自山南歸幽居值炎溽六月久不
雨萬物蒸煑熟正在墨君堂流體汗可掬單絺
與圓素豈解療煩毒聞君有詩至猛起捧大軸
拆開得累紙半日了一幅使我因病除如藥清
頭目把詩坐前軒憤惋幾欲哭君也實高才徑

庭無骯曲六十尚爲縣不自耻碌碌近聞移小
麾所用愈局促安得長康莊走此老驥駮哲士
甘藜藿鄙夫厭梁肉天理不可問長吁倚喬木

謝任瀘州師中寄荔支

有客來山中云附瀘南信開門得君書歡喜失
鄙吝筠籜包荔子四角具封印童稚瞥聞之群
來立如陣競言此佳菓生眼不識認相煎求拆
觀顆顆紅且潤衆手攫之去爭奪遞追趁貪多
乃爲得廉耻曾不喧鬧俄頃聞咀嚼一時盡

空餘皮與核狼籍入煨燼

霹靂

六月四日有
父子被震者

君不見前時忽疑天地坼萬里一聲晴霹靂彼
某氏者爾何人敢自欺誣被誅磔子爛華容神
火燎父碎梓潼靈磯劈惟震與曜今曉然誰對
君親肆姦逆

後溪

新晴採藍染溪色我愛常來坐溪側一林竒石
宛如畫兩岸野花殊不識蟬鳴盡日競何事鷺

丹淵集 卷四
下多時猶未食細觀物理須靜中歸去無辭更昏黑

黃功垂秘書風城閣

群峰繞高軒四望如城密晴嵐逼窗戶淨若新
洗熨杳杳其中人衣襟照寒碧臨風設橫几蕭
灑坐終日門前車馬道擾擾亂如蝨轉眼不復
觀長歌傲簪紱

鳳山古祠

林木摧折堂廡傾其中堦像猶縱橫狂巫騰踏

野老拜瘦雞薄酒邀神明形容詭怪蛇虺亂聲
音醜惡鴟梟鳴災牛禍犬亦可作世有此事何
由平

靜中吟

客去復掩戶高松下清陰微風動其間對語雙
珍禽幽人獨凭几聽此古意深起來南窗下被
以朱弦琴彈之代佳話俚耳誰知音

送黃庶先岷州赴舉

朝庭取士及洮西君今去就岷州薦男兒致身

自有地六月萬里君莫憚君也經術三十年此
發必中后拜箭聲名大抵重文章慎莫便從班
定遠

大熱見田中病牛

壟上病牛良可悲皮毛枯槁頭角垂兩鼻銜餌
只自喘四蹄劣爰曾不皮牧童默坐罷牽挽耕
叟拱立徒嗟咨朝驅暮使氣力盡爾死主人安
得知

呈里中諸友

君莫怪我不讀書君莫笑我不飲酒更精文史
豈足用漸老懽娛復何有負郭安得二百畝舉
家已聚三十口且來伴我數月閑未幾區區又
西走

寄彰明任光祿遵聖

軒軒任公子本是釣鼈人手把虹蜺竿一舉百
萬鈞得鼈謂無用坐卷千丈綸却自絳蚯蚓淺
瀨收纖鱗悠悠世上兒不識此有神但將俗士
眼下視窮水濱

庶先北谷

路自西溪入園當北谷開月亭詩作客雨館睡
為媒摘菓衣霑露尋泉屐漬苔閑居正無事莫
問我頻來

謝王庶軻秀才見贈諸篇

覽君山中詩多有贈我篇感此意愛厚使我將
潛然世態日衰薄交道君獨全豈若賤丈夫心
醜貌甚妍我已嬰組綬君方傲林泉出處雖有
殊所樂同一天

前溪獨遊

溪水碧溶溶紆餘短約通小灘晴靄外獨鶴夕
陽中倚仗對清瀨披襟當好風幾時歸住此長
下釣魚筒

書綠帷亭壁

喬木繞舍如綠幃群山四面寒參差春禽入秋
啼自別早雲到暮歸常遲庭前好菊勸飲酒案
上佳紙邀吟詩閑居數月興便野渾忘簿書相
聒時

青山道

冥冥青山道叢木含古烟
遠客事行役未晚不敢前
乳虎正養子采食大路邊
但顧已所急其誰辨愚賢

野老

野老扶白頭耕墾事田墾
豈無兒與孫凍餒實我恐
地產止數出財用知幾種
食肉與衣帛賢者何言冗

誰氏子

縹緲誰氏子學道要昇仙人
世豈不樂何苦求上天
反首顧我語子豈得謂賢
智如撲燈蛾甘就膏火煎

秋興二首

晨風吹茂林夕露下芳畹
秋容變憔悴復此白日短
蕭蕭歲華暮冉冉節物換
浩歎倚前楹使我心曲亂

其二

百蟲感秋陰入夜聲更切
問爾苦何事到曉啼

不歇盈庭不可止
翦歲藏萬穴會是天使然
相將送凋節

書平泉草木記後二首

衛公當國日力與天地均
平泉植草木取盡四方
春海嶽欲必得亦能役
鬼神可笑身未冷已聞
屬他人

其二

公豈不聰明嗜好乃如此
若非以私餌是物安
至止彼致者何人定非
端潔士草木固爲塵醜

名終未已

重過舊學山寺

當年讀書處古寺擁群峰
不改歲寒色可憐門外
松有僧皆老大待客轉
從容又下白雲去樓頭
敲暮鐘

書隱者壁

枳棘分三徑猿猱結四隣
茂林修竹地枕石漱流
人看雨檣藤杖迎風卸
葛巾我來懷愧甚衣上
有紅塵

訪古寺老僧不遇書壁

寂寂復寂寂門前苔蘚積巾鉢定何之禪房封
屈膝蛛絲網窻戶蝸涎篆牆壁欲去重遲留空
中望歸錫

村居

日影滿松窻雲開雨初止晴林梨棗熟曉巷兒
童喜牛羊深澗下鳧鴈寒塘裏田父酒新成餅
罌饋隣里

宿田家

日落雲四起牛羊下高原今夜宿何處孤烟生
遠村寥寥岩狖響擾擾林鷓喧危坐欲終夕此
意將誰論

大熱

大熱早復暮幽居如火圍更無風稍快只有汗
頻揮袒露憂生客沾濡怕熟衣何當生兩翼直
近廣寒飛

閒樂

晝睡忽過午好風吹竹林溪雲生薄暮山雨送

微涼粉裏衣裳潤蘭薰簾席香歸來閑且樂多
謝墨君堂

寄楊歸一

出處久異矣居常勞所思烟霄惟子未鬢髮已
翁爲世故豈須問人生當自知林泉聞幸好足
可樂明時

行李載書成詠

於世已無用何苦愛讀書自咲身許大所處如
蟬魚編簡補斷爛卷軸收殘餘又鎖十餘篋作

數隨行書

還友人詩卷

作詩所患格不高君今已得詩中格吾鄉風物
最清麗君向其間作詩客定餘絕景在幽深更
欲煩君用刀尺

上亭北軒對月吹笛得才元舍人昭華

引醉霜月草堂吟皆詩譜也

三首

灑灑金波瀉碧空隔霜寒影下征鴻夜深一笛
昭華引吹滿千岩萬壑中

其二

群山暝色烟開後
遠水寒光雨過時
今夜何人醉
霜月臥聽緱嶺玉參差

其三

涪江東岸有雲林
巒嶺縈回澗谷深
何事遲留未歸去
強顏猶唱草堂吟

苗子居運判歸宿州
同赴武康西縣道

中奉寄 二首

霜風舞征袂
有客去符離
斜谷雪晴後
曲灘水

蒲時亂山誰對酒
孤驛獨吟詩
不得陪清絕
悵然空所思

其二

漢中為會失兼程
雨雪曾無一日晴
初項橋頭聊立馬
使車應已過褒城

孫懷悅紙本亂石

孫老抱竒筆
臨紙恣揮灑
從頭掃亂石
礫砢隨墨下
焦頑與圓潤
無一不精者
誰信萬鈞重
卷之充盈把

熙寧辛亥歲春予自京師赴陵州因過
家省墳墓是時見所居東西長衢比戶
競取榆栽列植於官道左右者後移興
元滿替復歸待洋州闕始四年爾而榆
已高大繁茂深密可愛予正得此過一
夏旦夕與諸親友優游於其間蒙庇厚
矣閑因作詩示諸君

昔我去守陵陽日門前夾道初種榆今年我自
山南歸向椽大者皆枉麓兩邊合陰若深洞滿

地清影繁如鋪是時暑氣正炎酷無處容此煩
病軀晝搖清風夜篩月日日不可離群株閑邀
親友坐其下左右間設琴與壺人生適意乃爲
樂此樂已恐他更無霜飈未起枝葉在且與諸
君同此娛

早雷

夏旱亦已久衆懼非常災茫茫太田中赤風起
炎埃密雲徒滿空甘澤竟不來但聞南山下日
日喧怒雷

久不雨喜見晚雲

晚雲萬丈如銀山日光返射紅屏顏莫誇突兀
在天上且放霏霏來人間雷公施力已憤怒風
伯壞事休庸頑我將待之至夜半慎勿更似前
時愷

丹淵集卷第四終

陳眉公先生訂正丹淵集卷五

宋 蜀 文 同與可 撰

明 吳 毛 晉子晉

蜀 李應魁務滋同叅

吳 吳一標建先

詩五十一首

賈佩蘭歌

綠髮憶新梳君前侍玉壺相隨五色鳳飛止帝
宮梧鳳時入紫烟一舉萬羽趨乘風恣敖盪衆

首傾雲衢帝旣天上行留鳳不與俱鍛翻下永
巷髡鬚編鉗徒赭衣春且歌北望鸞鷲呼凜凜
亦喙鳩一盃死其鷓鳳亦飲瘖藥鞠域支體殊
娥姁豈不仁幸此全賤軀歸來南山下秋風裂
羅襦寒床覆龍具霜雪侵肌膚忽自感時節臨
風只長吁徒懷掖庭事飲泣對民夫

徐太元

彼徐太元者杭州之叅軍同僚曰張惠犯賊抵
深文徐哀其母老詣獄輒自陳謂惠所受賊太

元本同分今儻獨坐惠此獄無乃冤均之不滿
法惠遂減死論太元亦坐免不調十餘年西臺
李侍郎典選世所賢聞徐之所爲特以不次遷
擢授鄭司功太元名始傳後爲申王師德行人
推先嗟哉後世人恩義日不完初旣同職事言
色殊相歡語酒與倭食旦夕同杯盤一有不得
意艱險立萬端推之入網羅又以毒箭攢昂然
了自得銜露其術全此等雖曰人犬彘曾豈然
眼見與耳聞天下何可言我今作此詩中有二

丹波集 卷五
義存欲使在位者此風宰相敦勿令有識人命爾爲蝸虻又欲彼正士爲國掌三銓須察此惡子廢斥入冗員自然此浮薄不長其姦根覽者請味之勿罪其言煩

蓋寬饒

次公清而狂其本出天性惜哉公庶質不以儒術正陷害公峭刻奸犯語堅勁在位及貴戚合然仇怨盛稀遷愈失意躁戾因以逞王生識其趣勸以全壽命胡爲不開納封事轉凌橫五帝

官天下此語豈君聽上怒以不改章下求衆定確然金吾奏直以大逆訂雖爲鄭昌頌萬嫉掩一諍遂爾屬諸吏羞復受笞榜行當北闕下輒引佩刀剄時雖衆所憐終爲端士病

諸葛豐

少年名特立初爲貢公起元帝擢司隸刺舉無所避間者何久濶京師語如此馳車下許章去節自豐始上書摘章惡此舉誠可喜奈何少恩怨春夏常繫治人多訟其短遂徙城門尉復列

堪猛過上爲之切齒制詔白其罪不忍下豐更
豐初在朝時數道堪猛美失職乃自取不內省
諸已反感怨其他轉譽以爲毀不欲加以刑上
憐之老矣庶人終於家反覆豐可耻

新津退思堂

三江古劇邑入籍生齒夥詞源百端起區處不
可惰子醇爲之宰幽隱照必破斷事精且密有
若麥歷礱尚懼忽一失退卽此堂坐戾者思改
易無使下罹禍如此九二載不識有織過賢哉

令之師敢以此爲賀

墨君堂晚晴凭欄

墨君堂中看新霽十里平林鋪淨綠青烟一去
抹遠岸白鳥雙來立喬木戴勝入園蠶已老栗
留過隴麥將熟坐待月破東嶺雲自取簾鈎更
高軸

山舍早起探晴

山鳥轉晴日獨行風滿林澗花薰野袂岩水澗
幽襟側石驚新滑垂蘿愛近深蕭然此清興不

丹浦集 卷五
似戴華簪

東谷獨往

久不到東谷晚晴欣細履陰陰夾路木濺濺落
溪水幽涎界屏粉亂喙刻窻紙兀坐忘所歸烟
雲逼人起

西嶮道友

西嶮入深窅幽茅藏隱仙虛窻畫雲象淨几校
靈編絕巘聳玉幹危岩瀉珠涎相留飢青餽人
世凡幾年

送李野夫兼簡公擇學士同年

吾友野夫官滿歸峽中風物正春時莫因道路
起長歎且對江山吟好詩異日滑臺君若到寄
言別乘我相思聲名已重更論底但引冰堂金
屈卮

任居雲樓枝閣

峩峩仙鸞山杳杳山上閣道傍問耕者居雲之
所作居雲侗士韁鎖不可縛讀書三十年議
論寫不涸縱橫入衆藝深曉不止畧自笑與世

踈回首念岩壑安排事幽隱終老期此託結茅
 層巒巔退比籬下雀棲枝榜其號意豈羨鵬鷲
 時茲入岑絕寄憤滿寥廓江風拂危欄澗月滿
 踈箔獨橫古溜琴居雲琴名遠意追淡泊蕭蕭履霜
 操隱隱天外落履霜居雲之所好彈者飄揚雜仙籟泛響
 度林薄其誰共高興唯此猿與鶴願言解塵纓
 一赴方外約

朱康叔郎中棄官求母於金州因會華
 清宮作此詩送之

蟠桃實在枝蟠桃花已飛相隔五十春一旦還
 相依康叔視金龜解去如糞土徒步入堯關金
 州取其母古人亦有此比之康叔難幾時有古
 人能如公棄官玉蓮仙字中相會談此事使我
 發驚歎達曉不能寐借問侍安輿輦下何時過
 我欲率諸君扶服詣門賀

蓬溪蘓令均利泉

潛流蔽荒壤嘉惠鬱所施邑人念遠汲視此無
 以為蘓君作之令大利收前遺一日會眾誦茲

馬發清漪既已就新甃瓶正何纍纍盡言彼汗
濁豈爾同甘滋比戶獲美飲頌君皆一辭何以
紀君德是泉無涸時

宛婦行

婉婉西隣女韶顏豔朝霞淑性自天與少小傳
令嘉孝愛親黨重巧慧閭里誇其母最嬌憐看
若眼下花自從掙冠笄未始離窻紗讀書佩箴
戒舉止無纖瑕求媒不自審得壻非良家如以
瓊樹枝使之並兼葭憶初行嫁時遺贈矜豪華

明珠感袿裾雜寶裝簪珈餘貲詎可數但較輦
以車其姑本寒種貪壑常啗飶得婦不問好求
索惟無涯侍奉四五年叫物愈餓鴟百欲一不
應用毒同虺虵豈惟被詬辱抑亦遭笞撻馳使
執賤役課責日夜加手指盡禿瘵鬢髮仍髣髴
一旦不任事病骨枯若槎委頓臥在床尚爾磨
怒牙既死亦不顧但恣攪且拏聞之道路人涕
泗而咨嗟養女擇所適此事寧輕耶家法要相
委在邇不在遐娉禮貴得中尚約不尚奢尊章

若慈仁至死甘苧麻請看西隣女一失千里差

林居

宿髮未暇梳林居且辰詣鮮暉散清滴濕濕滿
衣袂仄行蓋前礙傾視因遠翳野意浩盈懷曾
忘傲公退

墨君堂

嗜竹種復畫渾如玉掾居高堂倚空岩素壁交
扶踈山影覆秋靜月色澄夜虛蕭爽只自適誰
能愛吾廬

鑑崖

山居有青崖
平滑如鑑

層崖瑩青瑤冷滑不可捫秋光發淨照林影搖
晴瞰飛瀑滌吟肺垂蘿清飲魂惟憂漬愁霖碎
鮮來相痕

宿超果山寺

荒途涉沮洳危嶺升坡陁愛此清淨居不倦來
徃多山僧見余喜顛倒披乾陀引我坐前軒山
果丹碧羅食已步野徑新柔踏晴莎就石枕古
稜依松執長柯是夕乃宿此東山吐圓波夜久

不能寐禽蟲伴幽哦達旦鳴落葉固非俗士歌
岩猿與谿鳥應笑頻經過

富樂山海師

上人者何人富樂之禪客成都昔嘗見時已坐
法席別來二十年嗟此出處隔昨過芙蓉溪捨
檝得携策盤盤轉危磴上叩金仙宅林間識孤
標梵眼老愈碧引我翠壁下煮茗拂蘚石問之
第二月雄辯發古譚無由從之遊不得蒙久益
翻然入塵闇俛首愧名跡

彭州南樓

百尺壓城端飛簷欲上搏湖光搖埤堦山影轉
欄杆秀野含春煦喬林擁暮寒回頭大嶠雪千
仞玉噴岼

大慈交師演古軒

萬法一軒中周回百座容曲燃簷蔔久橫揭貝
多重信士供晨鉢門人集午鐘何時聽雄辨幾
柄換庭松

新晴後溪樹陰灑然覽景成韻

丹淵集 卷五
雨後溪水急晴光鬱如浮高林放繁陰黹黹幢
蓋稠麥熟桑椹好撩亂黃粟留咿咿動新凋局
局啼乳鳩晚策貪靜境緩帶成獨遊照影俯回
淵濯足臨漫流願言懷世慮逐此蕭灑休定知
今夕夢不作塵土憂

黃秀才北郊書堂

吾邑固僻陋巉巉合群山苟無賢者居孰能營
幽閑黃子治北郊勝絕收其間長溪斷谷口巖
譁隔塵闕始至甚夷曠漸往頗險艱洞穴烟雲

昏澗壑松桂環幽芳自芬馥野咲常綿蠻繚磴
挂絕壁孤狖飛遙灣氣象奪天奧景物搜鬼擘
築室貯群籍軒窻面孱顏朱黃列几按坐把古
穴刪自取天爵高下視五兩綸處心固已定詎
恤時輩訕伊余素無似謬入文墨班前得省親
歸屢此容追攀時亦竊講議始蹈賢聖關譬之
拉虎豹所得纔一斑自愧鄙樸姿得涉道誼寰
余亦有東谷對此何格頑每來輒盡日須步明
月還

讀楊山人詩

秋高群山空衆籟吐天竅霜颺擊林野岩壑起
哀啾蕭蕭寒月下合若萬鬼嘯疑是太古魂啾
啾此中弔山人住中巘側耳得清峭譜之入文
字滿卷冷雪照其聲太淒楚勁澁皆古調俗尚
正淫靡惑者自夸耀山人持之歸無乃取衆譙
會有知此音相逢當一笑

已師竹杖

已師杖竒竹坐亦不去手循摩瑩且賦瘦骨何

蚶繆叢枝抱竒節兩兩相對走尋常出孤梢上
下分左右如何此獨異天產固非偶師初得之
誰此實世未有不爲師所用亦共衆植朽願師
勿棄置珍之比靈壽

晚至村家

高原磽确石徑微籬巷明滅餘殘暉舊裾飄風
採桑去白袷卷水秧稻歸深葭繞澗牛散臥積
麥滿場雞亂飛前谿後谷暝烟起稚子各出關
柴扉

雨喜客過

積雨無所詣十日不出屋故人念端居牢落如
槁木高軒過窮巷下馬想慰沃載酒醅楊顏裹
飯飽桑腹日暮從者散還尋舊書讀

墅居

不復入城市亂山圍一村雲霞供几席水石佐
琴罇病久筋力緩眠多頭目昏無人來谷口苦
鮮上松門

東窻

叢榆落碎鈿蔓柳樸輕綿麗晚暗紅霧曲堤橫
翠烟嘉樹正陰合好禽新語圓東窻日已滿猶
托隱囊眠

大雨

驚雲駕長風大雨灑九有崩騰百川倒豪怒一
雷走茫茫草木亂隱隱岩谷吼高閣晝眠人覺
來但支肘

芹歎

清霜入寒溪水迹落一尺飛沙上芹菜脆卷如

丹游集 卷五
燎灸孤根抱生意春澤守遺瀝願奉野人薦充
君盤中實

憂居

憂居向山林蟲鳥日爲伍形骸乍摧剝骨肉慣
辛苦蔬盤羞客至病榻厭人語地僻誰往還閑
門閉深雨

任氏鳴璫橋

清谿湫碧崖袞袞寒聲落子川愛溪聲架橋橫
絕壑山風撼松月倚檻聽噴薄遂號曰鳴璫古

人無此作

過友人谿居

籬巷接菰蒲閑扉掩自娛水蟲行挿岸林鳥過
提壺白浪槌秋艇青烟蓋晚厨主人誇野飯爲
我煮新蘆

江上主人

客路逢江國人家占畫圖青林隨遠岸白水滿
平湖魚小猶論尺鷗輕欲問銖何時遂休去來
此伴潛夫

丹波集 卷五
詠月

見說樓臺滿玉波中間惟只鎖嬌娥可憐人萬
二千戶每到缺時爭奈何

五十

生平曾不事悠悠忽忽年華五十秋宦意文情
俱淡泊可憐渾似李蒙州

攬照

耻將衰晚競青春強把圓波拂曉塵自笑年來
鬚鬢白王昭不解作官人

梁景和

隋氏廷中列百官幾人風節動朝端越公事勢
炎如火獨有梁毗會忍寒

何桂林

十萬餘工造羽儀夾堤浮浪去參差堂堂送入
江都去渾忘當年攬頸時

鐵吏

管馬心何在排車意自閑問時將手板柱頰對

西山

錦屏閣

閩州東園十詠

茂林斑若錦秀巖轟如屏底處供登覽闌干在
杳冥

清風臺

無時來見襲有地更臨高坐客清談起紛紛落
塵毛

四照亭

畫箔褰何礙珍叢發已圓願公皆遍賞莫為一
隅偏

柳橋

接風誇晚態垂雨怯春寒為問題芳意同誰倚
畫欄

曲池

水似珠璫入池如玉磬開臨流誰自適魚鳥莫
相猜

明月臺

微稜生海角圓魄到天心共上唯佳客無容照
俗襟

三角亭

舍棟交生角回欄互引牙由來因地勢不是故
失斜

花塢


繚繞穿紅萼爛斑踏紫苔誰將錦步障端為使
君開

藥欄


玉笋齊抽日金釭競列時自然俱可愛莫放盡
簾垂

郎中庵

已築環為堵仍裁月作床公來時隱几身世在
羲皇



丹淵集卷五終



陳眉公先生訂正丹淵集卷六

宋

蜀

文

同與可

撰

明

吳

毛

晉子晉

蜀

李應魁務滋同叅

吳

杲一標建先

詩四十首

和仲蒙右龍渦

群岡壓涇湄於此聚眾首其間石屋露遠視若
呀口林端躡繩上却入勢愈斗圍空豎古壁闊

丹清集 卷六
可百人受洪鍾誰倒仰巨甕忽側剖層岩寒泉
飛絕巘怪樹走陰風喜復怒野霧吞且嘔晴嵐
逼衣襟欲住不得久嘗聞耕者說自昔藏蚘蟻
當年救旱事有記刻不朽近歲靈恐歎百禱無
一偶至今閭里人不復來奠酒

和仲蒙山城

大曆年忠武居幽捍逆氏盛平民營板堵斷賊
閑远蹊連槽橫朱鳥飛墻切紫霓縈紆圍絕巘
靡迤附深谿外濬池隍險旁聯保障低輶輶防

藺石埤堦礙雲梯樹杪鳴巡鐸崖端響守鞞石
頭何培塿龍首太醯雞歲久蒼苔上時平白草
齊全秦襟帶地惟此壯山西

和子山春日雨中書事見寄 二首

苑苑冥冥雨氣沉一春長是詠春陰鷺歸盡棟
簾櫳靜鷺下雕欄院宇深闕草玉釵應復約看
花金勒悞重尋謝郎風調將誰奈獨倚書床擁
鼻吟

其二

青春已破六十日正好共携歌管遊鶯花有意
欲惱亂風雨何事相淹留南園綵棚映綠樹西
湖盡舫臨清流幾時雲陰得斂霽願把一罇相
獻酬

馬子山爲余與賀順之書記李仲蒙察
推同年同幕作題名記復有詩督程適
之書石余因和兼謝

太常舊得同科第幕府今還次姓名作記馬周
文已贍書丹程邈隸尤精定知二美能傳久從

此三家覺轉榮每對雄詞觀健筆自慙孤迹附
群英

官舍春日書懷 二首

自趨戎幙佐韃橐四見新陰發舊柯學飲不成
歡意少好吟無倦苦心多舞傷池柳風圖甚泣
破庭蘭雨奈何敢對青春歎留滯且須開口更
狂歌

其二

琵琶泉水碧溶溶又見春歸玉柱峯歡緒已闌

手法集 卷二
羞老大交期將近懶遊從杏開暖萼融紅蠟柳
放晴花拆白茸賦得上林佳景盡不知誰爲薦
臨叩

登邠州城樓

試此望搖落秋襟成惘然客懷傷薄莫節物感
窮邊斷燒侵高壘微陽入晚川年來舊山意常
與鴈翩翩

秋盡日陪諸友登白佛閣

危刹隱高阜孤軒橫碧虛登臨賞秋杪笑傲樂

公餘野外景入畫坐中歡可書重城已嚴鑰歸
馬尚踟躕

極寒

燈火宜冬杪圖書稱夜長簾鈎挂新月窻紙漏
飛霜酒醴慙孤宦皮毛逐異鄉誰知舊山下梅
艷滿東墻

謝惠橘

細菜隱朱實纍纍楚江滋寒香摘清露奔走寄
迢遞琳腴滿金殼咀嚼想佳惠君未致此時風

已吹削肺

登山城書事

節物感羈旅連空生塞陰亂鴻寒渚遠群雀晚
叢深霜重涇灘出烟高龍樹沉歲華徒自老幽
憤滿登臨

送夏殿直

時嬭於李璋太尉

霜樹東門曉清寒滿客衣一樽從此別百兩幾
時歸漆水魚初薦梁園雪正飛高堂今遠郡須
念報春暉

送錢規判官歸蜀觀親遂之岳陽

嚴風吹玉柱有客動歸裝古道轉危阪全家行
曉霜休嗟遊薄宦且喜拜高堂會合知何所春
江泛楚艍

和梨花

素質靜相依清香暖更飛笑從風外歇啼向雨
中歸江令歌瓊樹甌如夢玉衣盡堂明月地常
此惜芳菲

山櫻

巖壁自叢叢年華寂寞中偶因移曉雨似欲占
春風嫩葉藏輕綠繁葩露淺紅孤根知幸否從
此對雕櫳

秋子

裊裊復翻翻封條壓樹繁群芳非姊妹亂實見
兒孫陰日臨虛檻披風拂短垣主人無奈爾常
爲醉幽軒

桃花

種近短牆邊開臨小檻前倚風無限意笑日有

餘妍枝輒圍深密苞穠墮碎圓祇應芳樹下時
見武陵仙

杏花

仙杏一番新妖饒洗露長待粧憂粉重欲點要
酥勻月淡斜分影池清倒寫真君須怜舊物曾
伴曲江春

秋日寄呂永壽微中

落日照容谷寥然官署秋開簾臨絕巘凭几對
寒流古意深中得詩中靜外遊三年多少景滿

倦是冥搜

吟春

春工運潛巧是處有行迹
庭梢發新穎巖溜融
暖脉晴湖影撥刺曉樹音
格磔須知玉峯下日
有尋芳客

琵琶泉

險道入幽邃深溪轉岑寂
蒼烟鬱孤岩秀石圍
斷壁古蘚皴碧潤寒泉灑
清滴誰能厭塵襟茲
可供洗滌

和子山種花

五首

風流從事季長家
遶徧官居種盡花
應爲清才無比敵
擬將文彩競春華

其二

碾薄秭圓粉色勻
一枝寒艷惱青春
曉來帶雨四廂下
恰似蓬來見太真

其三

曾宴瓊林爛熳紅
寶津樓下看春風
今朝忽向君家見
猶憶當年醉眼中

其四

幾樹山櫻曲檻前
花開如火葉如烟
待將短句誇形似
已被休文道欲燃

其五

新自涇州趁雨移
便開繁萼擁芳枝
紅霞照地清香起
似到玄都觀裏時

和張屯田雪中朝拜天慶觀二首

款款遙空墮碎瓊
一街寒色曉風清
題輿想入簫臺下
似駕鸞輪向玉京

其二

寶幢珠節共玲瓏
九虎嚴關有路通
遙望玉宸端象簡
宛然身在廣寒宮

送酒與呂令答所示詩二首

君無彭澤五十畝
我有謫仙三百盃
聞道山中足春意
滿壺聊爲撥新醅

其二

見說西溪裏
群花艷正繁
不知紅影下
誰共醉芳樽

丹波集 卷六
初雪

一色陰雲蔽曉空
粉英瓊屑亂茸茸
不知遊騎將何處
已失南城玉柱峯

對雪獨酌

雲陰低重玉花繁
獨擁貂裘對一樽
不語佳賓是何物
古書名畫滿西軒

槐莊渡口

雲烟飄泊樹微茫
一岸人家帶夕陽
欲上高原便回首
可怜風物似吾鄉

約春

去歲相違恨已賒
今年相遇喜無涯
紅情綠意知多少
盡入涇川萬樹花

和子山陪使君遊西湖三絕
正月晦日
柳色遶堤金粉明
湖光浮岸玉烟輕
風柔日薄恰新霽
正好訪春來此行

其二

遊騎翩翩從使君
娛賓亭上宴西曛
座中不用頻辭酒
明日青春已一分

其三
卷六
九

滿眼垂楊照綠波
就中春意此先多
不將歌管酬佳景
擬奈翠漪堂上何

探春

幽郊寒重勒春遲
消息如今尚未知
只是垂楊窈窕得
每朝來覓向東枝

春寒

東風何事力猶微
凜凜邊寒犯客衣
舊雪未消新雪下
南園春色幾時歸

丹淵集
卷六終

